



& Frisia petita saginat. Non tamen ubique eadem soli felicitas, aut fecunditas. Nam magna pars Velavie sabuletis, erycetis, silvis & collibus effetis horret. Vastaque eremo incultior, cespitum fodinis quam sementi faciendae longe aptior est: eadem tamen ad margines (Velavie fimbriam ac crepidinem vocant) ubi Isala & Rheno alluitur, amplissima & latissima habet prata. Zutphania quoque admodum fertili est solo, sed quibusdam locis paludoso, (unde & quidam nomen ipsi impositum opinantur) sed graminis optimi feraci.

Mores populi.

Genus Gelrorum tum ab indole, tum Principum suorum continuis fere bellis exercitata, aptissima est ad militiam, unde superioribus seculis equitatus in primis Gelricus magna apud BELGICA.

exteros ubique fama fuit. Quae majorum gloria non tantum in posteris non extincta, sed potius aucta videtur. Licet enim Carolus V Imperator principatum nuper adeptum in familia sua firmaturus, eorum bellica ministeria insuper habuit, ne armis assueti assidue novis rebus studerent: tamen postquam arma cum ceteris Provinciis pro libertate conjunxerant, nihil de veteri virtute bellica remiserunt: insuperque humanitatis atque literarum studia summa industria conjunxerunt. Nobilitas copiosa & majorum imaginibus illustris, verum opibus minus polens, ob frequentiam. Plebs industria satis & comis, moribus ad Germanos nonnihil accedentibus, utpote à veteribus Sicambriis orta.

Kk

GELDRIAE